

**Perhimpunan Haram Akan Cemarkan Imej Baik Malaysia
Bernama
Jun 23, 2011**

KUALA LUMPUR: Tulang belakang demonstrasi jalanan haram pada 9 Julai, hanya cuba mencemarkan imej Malaysia sebagai sebuah negara yang aman, harmoni dan makmur, dengan harapan satu lagi titik hitam dalam sejarah negara, kata beberapa penganalisis politik.

Mereka mendakwa bahawa penganjur juga mempunyai agenda tersembunyi, untuk mengalihkan perhatian negara daripada kes liwat di mahkamah yang membabitkan seorang pemimpin politik pembangkang.

Pengerusi pertubuhan bukan kerajaan 1Agenda, Zul Azhar Cha yang juga seorang penulis blog, berkata beliau ada maklumat mengenai demonstrasi jalanan haram itu yang menjemput media antarabangsa untuk membuat liputan mengenai demonstrasi tersebut.

"Kita terima maklumat bahawa media Australia menjemput dan pastinya mereka akan memberikan liputan negatif mengenai Malaysia.

"Ini akan menjejaskan imej negara ini dan Pelaburan Langsung Asing (FDI) kita," kata beliau selepas membuat laporan polis mengenai demonstrasi jalanan haram itu baru-baru ini.

Sebelum ini, penganjur yang sama, yang diketuai orang nombor dua dalam PAS yang baru dipilih, Mohamad Sabu membuat demonstrasi jalanan haram yang sama pada 2007, mendakwa bahawa mereka hanya berhasrat untuk satu proses pilihan raya yang sihat.

Tetapi ia diadakan semasa Tahun Melawat Malaysia, kempen besar-besaran dalam dan luar negara oleh kerajaan untuk menarik lebih ramai pelancong datang ke Malaysia untuk meningkatkan ekonomi.

Beberapa tahun lepas, demonstrasi yang sama (Reformasi 98) dianjurkan ketika Malaysia sebuk untuk menjadi hos dua acara paling penting pada tahun itu, Sukan Komanwel (Sukom) 1998 dan mesyuarat Kerjasama Ekonomi Asia Pasifik (APEC).

Menurut seorang pensyarah Kajian Politik dan Antarabangsa dari Universiti Utara Malaysia (UUM), Md Shukri Shuib, kemusnahan di jalan adalah teruk tetapi impak liputan yang berat sebelah yang dirancang oleh agensi berita antarabangsa, adalah lebih buruk.

Beliau berkata Malaysia digambarkan bukan lagi sebuah negara syurga membeli-belah bagi mereka yang suka membeli-belah dan pelancong dan sebaliknya keadaan huru-hara disebabkan suasana politik yang tidak stabil dengan imej dan maklumat yang disalurkan oleh kumpulan "reformasi".

Md Shukri berkata media asing disalurkan dengan maklumat mengenai perkembangan politik di Malaysia yang berat sebelah dan tidak betul, dimanipulasi oleh pembangkang untuk mencerminkan imej negara yang buruk di peringkat antarabangsa.

"Ia sangat menyedihkan melihat helah negatif dan buruk yang digunakan oleh pembangkang, demonstrasi jalanan haram, menimbulkan kacau-bilau hanya untuk

mencapai impian untuk menakluki Putrajaya bagi membentuk kerajaan akan datang," kata beliau kepada Bernama baru-baru ini.

Bagaimanapun pensyarah itu percaya bahawa majoriti rakyat Malaysia lebih bijak dan tidak membabi buta membiarkan dirinya dimasukkan ke dalam satu 'wayang kulit' oleh penganjur demonstrasi jalanan haram pada 9 Julai, atau menutup matanya terhadap kes mahkamah akan datang.

"Apa itu beratus ribu dalam jumlah berbanding dengan jutaan rakyat Malaysia yang mengandungi majoriti senyap... mereka yang menikmati keamanan dan kestabilan, dan secara senyap-senyap menyokong kerajaan untuk masa depan generasi muda?" kata beliau.

Seorang peniaga Zabedah Daud, pemerhati politik dalaman berkata tidak ramai yang simpati dengan kumpulan ini yang merancang meletakkan Malaysia dalam keadaan huru-hara hanya kerana untuk kepentingan politik mereka ketika kerajaan menangani hampir semua isu yang dibangkitkan oleh kumpulan ini. - **BERNAMA**

Hakcipta Terpelihara © 1995-2011 Star Publications (Malaysia) Bhd (Co No 10894-D).

Source:

http://mstar.com.my/berita/cerita.asp?file=/2011/6/23/mstar_berita/20110623150714&sec=mstar_berita